



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Nucleus Casuum Conscientiæ Sive Brevis Notitia Eorum
quæ scitu vel necessaria, vel valde vtilia sunt
Confessarijs in primo ingressu ad audiendas Confessiones**

Agostini, Giuseppe

Coloniae Agripp., 1644

De Gabellis.

urn:nbn:de:hbz:466:1-41767

De Gabellis, & quibusdam alijs
Contractibus.

28 **F**X defraudatione gabellarum oritur obligatio restituendi, etiam in conscientia, si gabellæ sint iustæ, & fraudulenter non solvantur. Debent autem censi iustæ à subditis, nisi euidenter constet de earum iniustitia. Qui verò fraudat gabellas; non tenetur ad solutionem pœnæ, nisi post sententiam Iudicis. Similiter ministri, qui assistunt ad portas vrbis, si permittant iniultè fraudari gabellas; tenentur ad restitutionem damni domino, nisi fraudator restituat, non autem ad restitutionem pœnæ. De gabellis agunt *Tolet. l. 5. à c. 17. Fillinc. 10. 2. tr. 28. c. 7. Azor. 10. 3. l. 5. à c. 18.*

29 Quando fit contractus societatis, debet aduerti, vt fors sociorum sit æqualis iudicio Prudentum, & æqualia pericula, si lucrum debet æqualiter diuidi: si verò fors vnus non est æqualis cum alio; debet in lucro diuidendo seruari proportio geometrica: ita vt sicuti se habet fors ad sortem, ita lucrum ad lucrum.

30 In Cambijs seruari debet, vt reuera mercator habeat correspondentem idoneum ad correspondendum in alio loco, & litteræ re ipsa mittantur, & remittantur, & rationes, quæ debentur, sint ordinariæ: alioqui erit cambium fictum, & iniustum. Agunt de Cambijs *Azor. 10. 3. l. 10. tit. de cambijs Fillinc. 10. 2. 3r. 35. c. 4. & seq. Less. l. 2. c. 23. & c. Tolet. l. 5. c. 50.*

31 In contractu, qui dicitur (alla meta, seu alla raccolta) aduerti debet, vt à suo tempore non detur triticum, mercator non accipiat pro interesse summum pretium, quod eo anno fuit: sed vel pretium taxatum à lege, vel verum interesse quod passus est. Quòd si hoc sciri non possit; rationabile est, vt accipiat pretium medium inter infimum, & summum: & sic in alijs similibus contractibus.

32 Sunt etiam restituenda bona inuenta, quæ quidem habent dominum, sed ignoratur: & quidẽ domino suo restitui debent. Quòd si, præmissa sufficienti diligentia ad dominum inueniendum, ille non sit inuentus; dari debent pauperibus: & si inuentor ipse erit pau-

peri

per; poterit sibi retinere, præsertim ex consilio Confessarij: si verò dominus inuentus fuerit; potest inuentor non solum aliquid petere pro suo labore, & expensis, si fortè aliquid fuerint in re inuenta conseruanda, & quærendo domino; sed etiam potest aliquid accipere, & petere in præmium, absque metu tamen, violentia, aut fraude. *Azor. 19. 3. lib. 4. cap. 27.*

De Circumstantijs Restitutionibus.

33 **I**N Restitutione seruandum est Tempus, Locus, Ordo, & Expensæ. Tempus est, cum vrget præceptum restituendi, iuxta varias radices restitutionis, & circumstantias. Quòd si differatur sine præiudicio graui, aut damno domini; non erit mortale, ex paruitate materiæ.

34 De Loco nihil potest in genere dici, nisi quòd, quādo homo tenetur solum ex re accepta, & bona fide possessa; semper res determinanda est in fauorem ipsius, quantum fieri potest: è contra verò, si tenetur ex iniusta acceptione;

res

res determinanda est in fauorem domini: v. g. fuit mihi datus equus hic Romæ, quem bona fide possedi, & cum illo me transtuli Neapolim, & ibi maneo: si sciam equus esse alicuius commorantis Romæ; satis est si restituam illum Neapoli scribens domino, vt mittat ad illum recipiendum suis expensis: si verò mala fide habui equam; debeo illum remittere meis expensis Romam, vbi furatus sum: & si in via perit; adhuc teneor ad restitutionem pretij. Similiter quis furatus est pecuniam, debet illam restituere domino: ita vt ille in hac restitutione nullum patiatur nouum damnum, & nouas expensas, quas alioqui non fuisset factorus. Ex quibus varij casus particulares solui possunt.

35 De ordine id seruandum est: si debitor habeat, vnde omnibus creditoribus satisfacere possit; nullus est necessarius ordo in restituendo: quia nulli fit iniuria. Si autem non habeat; tunc prius restituenda sunt certa, quàm incerta. Et in primis, si debita sint diuersæ rationis, ita vt in creditoribus sit anterioritas, & posterioritas; debet prius satis fieri

fieri anteriori, quam posteriori; si verò debira sine eiusdem rationis, & non habeant anterioritatem; debet fieri solutio prorata, iuxta geometricam proportionem, regulariter loquendo. Quem ordinem non tenetur scire ipse creditor: sed si bona fide solutum est illi debitum; potest retinere, etiam si alius non bene dispensauerit: qui potest sæpè excusari ex maiori diligentia alicuius creditoris, quia magis urgeat, & maius damnum comminetur.

Causa excusantes à restitutione.

36 **P**otest interdum aliquis excusari à restitutione propter impotentiam: quia non habet unde restituat, subtractis ijs, quæ ad necessariam sui, & familiæ suæ sustentationem requiruntur. Semper tamen habet obligationem restituendi, cum poterit: neque tenetur cadere de suo statu, nisi talem statum ex furtis, & iniustis acceptionibus acquisierit. Tenetur tamen intra suum statum tollere omnia superflua, & non necessaria: alioqui, non est tutus in conscientia.

37 Se-

37 Secundò potest aliquis excusari à restitutione propter remissionem liberam creditoris. Tertiò propter compensationem: quia scilicet aliunde ipse est creditor. Debet autem creditam ipsius esse certum, sicuti est certum debitum suum: nam si esset dubium; non posset nisi pro qualitate dubij. Debet autem tacita compensatio semper fieri cum cautela necessaria, ne alius bis patiatur detrimentum, putans se esse debitorem post compensationem: & regulariter debet fieri, quando alio modo non potest homo facile suum recuperare, & ad vitandas longas lites, & inimicitias, & molestias.

38 Si quis iniuste, & per calumnias, & falsitates impediatur aliquem, ne consequatur aliquod bonum ab alio; tenetur ad restitutionem damni, & peccat contra iustitiam, quia quilibet habet ius, ut non impediatur iniuste ad aliquid obtinendum, etiam si gratis illud obrinendum esset: si verò solum per preces, & consilia non iniusta impeditur à gratuita boni alicuius consecutione; non est peccatum contra iustitiam, nec obligat ad

ad restitutionem : etiam si possit esse peccatum contra Charitatem , si fiat ex odio alterius , aut cum graui damno sine causa.

39 Quando plures tenentur in solidum restituere ; sufficit , si quilibet restituat pro rata . quilibet tamen tenetur ad totum , si alij non restituant : licet habeat ius in alios , qui non restituerunt , vt quilibet soluat sibi pro rata.

40 Potest quis non teneri ad restitutionem ratione vsucapionis , seu præscriptionis . Est autem vsucapio , seu præscriptio acquisitio dominij per continuationem possessionis tempore à lege definito , & valet etiam in conscientia.

41 Requiritur regulariter ad legitimam præscriptionem . 1. continuata possessio rei præscribendæ nomine proprio possidentis . 2. bona fides possidentis . 3. vt sit capax ciuilibus possessionis , qui præscribit . 4. vt res sit apta præscribi : nam res sacræ , & sanctæ , & iura spiritalia præscribi non possunt : & alia , de quibus legi potest *Axor. tom. 3. l. 1. cap. 20.* Denique requiritur lapsus temporis determinati secundum leges , aut Canones :
de

de quo etiam idem Auctor loco cit. cap.
22. & 23.

DE VIII. PRÆCEPTO Decalogi.

Non dicendi falsum testimonium.

1 **P**ROHIBETUR hoc præcepto omnis
testificatio falsi, in præiudicium
proximi. Quamuis enim esset etiam fal-
sum testimonium, si quis testificaretur
falsum in utilitatem, & commodum, &
honorem proximi; tamen hic accipitur
in malum, & pertinet ad iniusticiam
contra proximum, & oritur suo modo
obligatio restituendi.

2 Mendacium in genere, est quedam
testificatio, seu assertio falsi scienter, ad
decipiendum proximum. Dixi, scienter,
quia si quis dicat falsum, putans esse ve-
rum; non est mendacium: sicuti è con-
tra, si quis dicat verum, putans esse fal-
sum; est mendax ex prava voluntate.
Solet autem diuidi in perniciosum, in-
cosum, & officiosum. Primum est in no-
cumentum alterius. Secundum ob de-
lectatio